



Jumat, 05 April 2024
Ogen: Jeremia 31:15-22



Apusi Iluhndu



Menangislah malam ini hingga tidak ada air mata yang tersisa. Tapi bangunlah esok hari dengan senyuman dan harapan. Kata enda jadi sada pengajuk ras pengapul man kalak si jumpa perbeben, kecewa nta pe ndatken si la bagi ukur. Kerina enda erbahan kecibal manusia ibas ndele ate, putus asa she erpengakap lanai ergegeh (tidak berdaya), ibas situasi sibage rupa tangis nuduhkan maka tuhu-tuhu dirina kote. Dung nge persoalen dikune tetap itangisken? Tentu lang. Tangis ras iluh nina 'mengandung hormone stress ras racun', emaka menurut penelitin maka alu tangis, ndarat iluh mpedarat racun i bas kulanta nari.

Bageme sijadi i Rama, sora tangis si meriso erkiteken kebenen anak. Tuhu sedak, ceda kal ate, seh risona, mesuni kal pusuh. Pemindon bangsa Israel gelah mekuah ate Dibata, iakuina lepakna, enggo itadingkenna Dibata. Tapi Israel kepeken anak kesayangen Dibata, buah barana. Tetap kal ukur Dibata.

Kerina situasi pusuh enda desken racun, ncedai daging kula, erbahan kote daging janah ukur pe banci latih seh stress. Situhuna, iluh banci me jadi tambar, emaka, tangiskenlah tapi kenca e keke, cirem alu mpeturah arapen nandangi wari si pepagi. Mbelin isikapken Dibata masa depan si mehuli, ku jelah si tatap.

Apusi iluhndu, ertina la saja ngadiken ngandung tapi lepaskan baban mberatndu. Peturah arapen si mbaru nandangi perkuah ate Dibata. Kekeken, tatap paksa si reh alu nadingken erbagebage si mahanca ukur gulut, salah lepak si pernah si bahan, jeralah dengen erpadan ngelakoken si bujur, si ngena ate Dibata. 'Move on' i bas perbeben, kiniseran sabap labo gelgel kegeluhen enda. Lit dalam dengen cara Dibata nampati kita, pebelin pengarapenta, ula si pediat iluta kerah.

➤ Iluh banci jadi tambar, ula sempat kerah